



# **Rimnada sistemica da dretg communal dalla Vischnaunca da Sagogn**

---

**Nummera**            **2990.01.01**

**Tetel**                **Uorden da susteniment da formaziun**

**Edizium**            Revisiun dils 03.11.2017  
Edizium dils 16.04.2015

Edizium dils dils 25.08.2013

**Valeivel**            01.01.2018

## **Remarcas preliminaras**

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

## **Cuntegn**

<b>I. Intent</b>	<b>3</b>
<b>II. Contribuziun</b>	<b>3</b>
<b>III. Determinaziuns finalas</b>	<b>4</b>

## **I. INTENT**

### **Intent**

#### **Art. 1**

<sup>1</sup> Quei uorden reglescha las contribuziuns per formaziun generala per carschi (“Erwachsenefortbildung”) dalla vischnaunca da Sagogn, qvd. cudischaziuns sin conto 2990.3637.00.

<sup>2</sup> La contribuziun finanziaria duei gidar e sustener uniuns, privats e fatschentas da promover la formaziun dalla populaziun el vitg.

## **II. CONTRIBUZIUN**

### **Dretg da contribuziun**

#### **Art. 2**

<sup>1</sup> Suandontas cundiziuns ston cumulativamein esser ademplitas per ch’ina damonda da susteniment sa vegnir tractada:

- a) Il petent sto esser sesents en vischnaunca.
- b) L’occurenza ha liug a Sagogn.
- c) L’occurenza sedrezza principalmein enviers carschi.
- d) L’occurenza ei publica.
- e) L’occurenza sto curclar in interess public.

En cass specials sa la suprastonza era sustener occurenzas ch’adempleschan buc diltuttatfatg las cundiziuns (p. ex. sche l’infrastructura maunca el vitg)

### **Summa**

#### **Art. 3**

<sup>1</sup> La contribuziun munta per ordinari a frs. 100 – 500 per occurenza.

<sup>2</sup> La contribuziun maximala munta a frs. 1500.00 per onn e per petent ni per la medema specia d’occasiuns.

<sup>3</sup> Per occurenzas cun intent da far gudogn vegn per ordinari surpriu sulettamein ina garanzia da deficit.

**Restricziuns****Art. 4**

<sup>1</sup> La damonda da susteniment ei d'inoltrar sil formular corrispudent e duei ver aschuntau in cedel da pagament ni la numera da conto dil petent.

<sup>2</sup> Las damondas vegnan tractandadas en retscha dalla retschevida. Ei il budget duvraus si per in onn sche san negins sustegns vegni concedi pli.

**III. DETERMINAZIUNS FINALAS****Vigur****Art. 5**

<sup>1</sup> Quest uorden entra en vigur suenter ch'ell ei vegnius approbaus dalla suprastonza communal.

<sup>2</sup> Quest uorden remplazza tutts uorden anteriurs.

Ediziun approvada dalla Suprastonza communal als	03.11.2017
Ediziun approvada dalla Radunonza communal als	-
Ediziun approvada dalla Regenza dil cantun GR als	-